

閩江金山志

署陳培錕
簽



中册

民國二十六年
七月出版

地 733.1
66.92
:2



閩江金山志卷五

侯官林其蓉編纂

第五 鄉賢

校對男炳祥

元黃剖判流峙成形長川瀉碧疊嶂分青羣賢挺出地軸炳靈緬想往代猶式典型志鄉賢

洪塘前朝人物之盛為吾閩西冠而最彪炳者如襄愍文簡忠節各以勳畧文章節義著又如林鄭周趙曾王諸公其流芬賸馥亦足以沾漑後人俗謂金山如印浮圖有類文筆固不足辯而地靈之說似未可非也顧金山舊為奎閣屬諸賢文酒釣遊之所至今停橈覽古伊人芳躅宛在中央登峴山而懷叔子陟東山而慕安

閩江金山志

中册

鄉賢

遠東書局印

石地其以人勝人其以地傳耶山川人物信有相資者矣今謹攷諸公梗概以便披覽欲悉其詳參閱史乘可也

洪塘鄉先生姓名表

計五十七人

謝 瑀 景泰進士 廣東布政 廣化進士

林 玘 天順進士 按察副使

翁 晏 成化進士 廣東副使

林 瑋 太僕少卿 嘉靖進士

張 經 正德進士 七省總制

趙 奮 嘉靖進士 提學副使

周 亮 嘉靖進士 大理寺丞 萬曆舉人

翁正春 萬曆狀元 禮部尚書

曹學佺 萬曆進士 禮部尚書

曾熙丙 南京御史 嘉靖舉人

以上名臣十人

鄭元韶 湖廣僉事 喜靖進士

鄭惇典 嘉靖進士 袁州知府

林 壘 嘉靖進士 太倉知州

林 璧 按察僉事 康熙舉人

翁登彥 布政參議 康熙進士

林崇孚 順治徵辟 惠州知府

王九寧 連城教諭 康熙舉人

翁 煌 康熙進士 辰溪知縣

葛大梁 康熙舉人 新昌知縣

李蜀江 康熙進士

周榮 正統舉人

周書 萬曆歲貢

林崇履 順治徵辟

以上儒行九人

鄭守道 嘉靖舉人

潘昉 端平探花

王國璽 順治舉人

林涵春 乾隆諸生

趙璧 嘉靖舉人

以上循績十人

林玠 天順舉人

翁希禹 崇禎蔭生

陳聖泰 順治進士

翁興賢 萬曆歲貢

林文纘 兩淮通判

王九徵 康熙諸生

李紹陽 道光舉人

曾士迪 萬曆諸生

陳鼎 正德諸生

朱家相 揭陽知縣

張元銳 康熙舉人

以上經學二人

許穀 嘉靖進士

謝琛 康熙舉人

以上文苑八人

張懋爵 萬曆蔭生

閩江金山志

中册 鄉賢

遠東書局印

李朝祿 乾隆諸生

陳鴻 萬曆布衣

王君弼 萬曆布衣

以上隱逸六人

林通 元符進士

沈野 崇禎布衣

余甸 康熙進士

以上孝義四人

陳楚白 崇禎布衣

胡賢寶 康熙諸生

蔡清 成化進士

徐英 崇禎布衣

姜宏泰 乾隆布衣

曹白 崇禎諸生

翁曾 乾隆諸生

熊熙 宏治舉人

李怡泉 萬曆拔貢

以上流寓八人

名臣

謝 瑀 字叔和閩縣人景泰甲戌進士官戶部主事歷廣東布政使致仕在戶部時奉使賑饑全活甚衆廣東高雷廉三郡用兵時督餉以廉名性忠厚坦直著敬軒集二本詳府志

林 玘 字廷珍號雲室侯官人天順甲申會魁歷官刑部郎中浙江按察僉事擢雲南按察副使致仕玘律已端嚴讞獄明恕在浙有平賊功學精於易蔡清熊熙陳琛余特皆師事之稱理學名臣入祀鄉賢詳名山藏及通志

翁 晏 字宗海侯官人成化丙戌進士授主事再疏請告歸省後官廣東副使多德政士民懷之入祀鄉賢詳府志

閩江金山志

中册

鄉賢

三

遠東書局印

林 瑋 字廷玉號西園玘之弟成化辛丑會魁爲人正直凝重積學工文官雲南巡撫剿鐵索菁寇滅之督學南畿以身率訓人稱林道學擢太僕少卿卒於官南畿以瑋同唐陸贄宋眞德秀等列祀學宮著有文集入祀鄉賢詳府志閩書

張 經 字廷彝一字半洲侯官人正德丁丑進士父海母蔡氏幼孤携養母家襲舅姓第進士後復姓經狀魁偉有文武才歷兵部尙書倭寇猖獗命總制七省大破倭寇於王涇江有功後爲趙文華嚴嵩所陷與巡撫李天寵同日棄市天下冤之洪塘志謂與楊繼盛同日死萬曆中經孫懋爵伏闕鳴冤詔賜祭葬諡襄愍入祀鄉賢著有半洲詩集詳明史及通志

趙奮 字庸卿侯官人璧之弟嘉靖乙丑進士歷兵科給事中轉廣平府知府廉慈之聲溢於畿輔擢河南提學副使稱得人以疾乞歸卒祀鄉賢初報兵部時城中都督來拜者三俱不見心疑之以問鄉紳云禮宜呈衣翌日以戎服造門遂盡相見之禮詳府志及洪塘小志

周亮 字尙寅侯官人榮曾孫嘉靖壬辰進士歷御史大理丞爲人通敏和厚官俸所得均分諸弟無少吝入祀鄉賢見閩會水利故

翁正春 字兆震號青陽侯官人興賢子生平孝友勤厚居官風儀峻整爲文瞻麗典重萬曆壬辰殿試第一官至禮部尙書加太

閩江金山志

中册

鄉賢

四

遠東書局印

子少保楊璉疏論魏璫正春率府僚治之詞甚激烈調旨切責乃累疏乞終養母沉氏年一百有一歲正春卒諡文簡著有南宮奏疏青陽諸集詳明史及通志

曹學佺 字能始侯官人萬曆乙未進士累遷四川按察歸構石倉園賓朋稱盛天啟二年起廣西右參議後爲劉廷元魏忠賢所構削籍崇禎初起廣西副使不就建洪山桐口萬安三橋鄉人祠之甲申聞變赴水遇救不死唐王至閩授禮部侍郎進尙書丙戌秋唐王敗殉節於西峯里第年七十有四著有名勝志石倉集等書乾隆十一年追諡忠節詳明史及通志

曾熙丙 字用晦萬曆丁酉舉人初知新會縣強幹有智慮盜賊

賊屏跡擢南御史天啓初累疏指陳時弊皆不報時奄人擅權毒流遠邇熙丙守正不阿遂以母老乞終養屢薦不起崇禎甲申流寇陷京師熙丙聞報持哭不食憂憤卒詳府志

循績

鄭元韶 字善夫侯官人嘉靖十八年舉人有九石藁世稱九石先生初官金州學正甘露降於學宮所造士舒應龍蔣貽德皆當代名臣擢善化令攝松江上海陞刑部郎歷湖廣僉事告歸爲鄉人塞石門峽年八十一卒見柳湄詩傳

鄭惇典 字 侯官人嘉靖進士知無爲州袁州府歷著惠政以廉執忤江陵相黨罷歸墓在二都西山耐葬祖長閭墓側見閩

閩江金山志

中册

鄉賢

五

遠東書局印

都記

林 壘 字茂貞懷安人玘之孫嘉靖丙戌進士令淳安有宦績陞太倉州邑人樹碑建祠於屏山終臨安知府入淳安縣志名宦傳詳府志

林 璧 字茂東侯官人嘉靖己丑進士戶部郎中廣東按察司僉事性耿介六歲隨父文纘赴京謁補舟泊潞河適武宗巡幸至突入舫携去爲子入宮思父母哭不止上棄之河僵而復甦纘密携去年二十四擢進士時嚴分宜纘之同年也璧體父志不附之官亦止僉憲著有雲溪集詳閩小紀及府志

翁登彥 字君崇一字三英侯官人正春子萬曆庚子舉人知合

州以軍功擢四川僉事參議見洪塘志及閩會水利故

林崇孚 字介山侯官人璧曾孫順治丙戌以郡增生辟任廣東惠州府尹致仕嘗叠修洪山橋重修妙峯寺退老後創響山樓可閒堂別業著有可閒堂雜稿響山樓集見洪塘志閩會水利故

王九寧 字采侯侯官人國璽子九徵兄康熙丁巳舉人連城教諭公生平以節義自持在連邑時講學育才士感其德立遺教祠祀之府志云九寧浙江中式閩縣人詩見全閩詩錄

翁煌 字樵仙又字澹庵侯官人正春曾孫康熙壬戌進士授辰溪令精明慈愛所屬清浪衛承前朝弊一田兩賦窮民鬻妻子不能足給力請題豁辰人感之楚撫王梁舉治第一擢銓曹民空

閩江金山志

中册

鄉賢

六

遠東書局印

邑遮留祖餞數十百里不絕以目疾未補官家居廿載年八十卒
詳通志

葛大梁 字允楓侯官人康熙辛卯舉人令浙江新昌行順村法捐修孝義禱溉田千餘畝民歌誦之見閩會水利故

李蜀江 字 侯官人怡泉先生長孫幼卽受經於其祖康熙中以進士任四川雙流縣多德政後以母老致仕在鄉熱心公益且料事如神鄉人有爭曲直者無不就之見李氏家乘

儒行

周 榮 字叔和侯官人正統甲子舉人江西宜春教諭見洪塘小志又叔和天性廉介不事干謁見謙齋文集

林玠 字廷珪號靜庵侯官人籍懷安與兄玘弟瑋齊名天順壬午領鄉薦未幾卒魂鬱不散每見於此家人視之皆詩文也次以成編自名曰靜庵遺玉蔡虛齋先生爲之傳附見通志林玘傳陳鼎 字調玉懷安人以易教授弟子尙書張經御史周亮舒汀知府廖世魁兵部郎王欽進士許繹通判藍淦知縣羅釗皆其門下士也爲人方正不苟時有按察使極愛重之當爲閱卷官私召鼎授以秘旨鼎入試苦心爲文不用所授旨終身不舉偃蹇以終見閩侯縣志儒行門

周書 字侯官亮之孫萬曆間歲貢任王府博士王禮重之有賜歸閩詩見閩會水利故

閩江金山志

中冊

鄉賢

七

遠東書局印

翁希禹 字維範一字警庵侯官人正春孫崇禎間庠生蔭工部郎中慶遠知府見洪塘小志及閩會水利故

朱家相 字宗輔侯官人萬曆己丑進士任江蔭揭陽二縣知縣朱公與兆震翁公未登第時元旦友人以詩爲事忽此筆題云桃紅柳綠正春天五百名中第一仙內中更有朱家相洪水山頭出二賢朱公初名虹後臨場宗師代改家相吾人功名有分而神之先知如是也見洪塘小志

林崇履 字祖莽侯官人順治丙戌以郡增生辟任電白縣知縣陳軾林毓雲墓志銘云公與兄介山並以循吏宣績尉佗之地按毓雲公之父也壽八十四與兄介山同鄉人尊之嘗著有坦庵詩

稿見洪塘小志

陳聖泰 字泰中又字思庵侯官人順治辛卯解元壬辰進士任邵武教授為人廉約謹嚴治聞博學見閩詩傳

張元銳 字子豐侯官人康熙甲午舉人志稱其粹經學礪品行見閩會水利故

經學

鄭守道 字用行一字葵峯懷安人嘉靖戊子第三名經魁知夏津縣陞徽州通判居官扶弱抑強風節矯矯於書無所不窺而學務窮理建書院與諸生講明經義又主白鹿洞教事著太極說意並易乾坤上下繫辭解大學講章深思精詣能闡周程之秘大有

閩江金山志

中冊

鄉賢

八

遠東書局印

功於來學詳通志

翁興賢 字懋卿一字見溪侯官人正春父也萬曆初以歲貢司訓建陽有婺婦子為邑令箠且死興賢察其冤力白得解又請縣令蠲力役定埠直以蘇民困遷兩淮通判乞歸興賢精於易教授諸生談經講義一稟宋儒傳註著有易經講業十二卷叅同契註二卷入祀鄉賢詳通志

文苑

潘 枋 字庭堅初名公筠閩縣人少善詩尤長於樂府讀書洪塘通谷山之仙冠石下端平二年詔策進士枋言最直殿試第三人出為鎮南軍節度推官淳祐初丞相游似申善枋言欲召用之

而枋已卒著有詩集四卷選樂府一卷入祀鄉賢詳東越文苑傳
林文纘 字德緒侯官人號雲岐玠之子宏治乙丑進士湖廣布
政司右參議與嚴分宜同年不肯阿附故止僉憲居身恪慎鄉人
敬之年九十有五卒著有漱芳集六卷閩詩人之壽者林春澤百
有四歲次則林文纘鄭宗圭俱九十有五歲見眉壽錄及全閩明
詩傳

許 穀 字仲貽嘉靖十四年會元仕至南京尚寶司穀居懷安
之洪塘以侯官人應天上元籍未五十以親老告歸卒年八十有
三著有外臺武林省中歸田諸集其鄉居也足迹不入公府見全
閩明詩傳

閩江金山志

中册

鄉賢

九一遠東書局印

王國璽 字介玉一字海印順治丁酉舉人官景州知州退老後
於里第創泖樓著有月將堂草涉筆園稿詩見閩詩錄

王九徵 字明侯又字臥山侯官人國璽子康熙間諸生九徵博
極羣書工詩古文詞好遊覽著有北征日記墨禪水雲遊楚泉南
諸草竹邨詩集詳通志文苑傳

謝 琛 字成侯侯官人康熙辛卯舉人志稱其立品端方工文
詞著有海岳集行世詩見閩詩選

林涵春 字奕善一字雲林侯官人康熙間諸生父崇蘭字永馨
有高行涵春隱於雲程年登大壽著有塔江樓文集塔江樓文二
集河橋舒嘯編閩海奇蹟編古今人物大觀集節義文章錄四卷

所著書曰見閩侯縣志蓉按竹間十日話載見無名氏甲申遺事一書謂其有依附耿王事考係其族兄某所爲乃訛於涵春也嗚呼以宿儒著書乃身後遭謗故特爲辯明之

李紹陽 字旭初侯官人蜀江先生之後道光辛巳舉人掌教建溪書院著作甚多因自上游回省稿失於水致不能傳世聞者惜之見李氏家乘

孝義

趙璧 字希和侯官人嘉靖戊午鄉薦天性孝友撫弱弟奮躬督教之奮後登第督學河南以病歸卒璧撫二孤過於所生不上春官者十年後於道中聞奮長孤殤悲痛而卒詳通志孝義傳

閩江金山志

中冊

鄉賢

十一 遠東書局印

曾士迪 字惠齋侯官人七歲而孤爲諸生時婁甚授徒城中母病日苦璧虱士迪率五日一歸爲母滌溺捕虱已不勝除乃手七虱祝天吞之自是虱絕母病隨愈後以子熙丙貴受封見閩侯縣志孝義傳

張懋爵 字景洲大司馬經之孫痛祖破倭有功被讒而死萬曆中伏闕鳴冤詔復經原官賜祭葬諡襄愍入祀鄉賢仍與懋爵蔭仕戶部主事見通志蓉按如懋爵者閒關萬里爲祖鳴冤可謂孝子慈孫矣

李朝祿 字 乾隆間歲貢任臬司刑科時洪塘某姓寡婦富有資產族人時起覬覦婦有一子憇以其可欺也遂乘婦索租村

外因向晚殺之以誣其子府縣均已定讞祿知其冤爲告臬司卒得平反置某姓族人於法顧某姓族強恐遭其害遂售所有避建歐家焉今其子孫稱望族云詳李氏家乘

隱逸

陳鴻 字叔度侯官布衣家貧有奇才工詩曹能始招入石倉吟社有一山在水次終日有泉聲之句能始歎賞卽以石倉爲居停著秋室篇丙戌能始殉節叔度年七十二貧死無子不能葬戊子周櫟園入閩釀金浼諸生徐存永督其事與莆田趙十五璧合葬於小西湖大夢山前櫟園書碣曰明詩人陳叔度趙十五合墓詳閩小紀及通志

閩江金山志

中冊

鄉賢

十一

遠東書局印

王君弼 字右君號桐庵崇禎時人國璽父也晚年精於詩著詩籀二卷見閩會水利故

陳楚白 字 侯官人嘗師事曹能始明亡出家號止止庵頭陀著有草草遊詩文稿一卷見閩會水利故

曹白 字子章侯官人能始次子舉人孟嘉弟以諸生博通經學慷慨有大節遁而不仕襟懷灑落如秋月晴雲杳無塵氣詩見全閩明詩傳

胡賢寶 字笙友侯官人康熙間諸生著洪塘志餘二本見閩侯縣志藝文門

翁曾 字徽西一名溱縣學生不喜舉子業喜山水吟咏家無

儋石儲壯年喪妻不娶携幼子客琅琦海嶼間自號海漁乾隆丁未謝金鑾館琅琦與曾爲詩酒山水之樂久之金鑾去曾不知所終曾先世居洪塘嘗哀所聞爲洪塘小志云詳二勿齋文集蓉按今楊遂所刊洪塘小志序謂佚作者姓名據此卽賢賓及曾之遺著也

流寓

林 通 字述中福清人元符三年進士官龍圖閣學士通未第時寓洪山妙峯寺著有妙峯集四十卷詳福州府志

蔡 清 字介夫一字虛齋晉江人成化甲辰進士授禮部主事歷官南京國子祭酒萬曆中追贈禮部右侍郎諡文莊清少從林

閩江金山志

中册

鄉賢

十一 遠東書局印

玳學易於妙峯寺玳授以易解一笥清雍正二年奉勅從祀孔子廟廷詳福建通志

熊 熙 字文明建陽人宏治壬子鄉薦少從林玳學易與蔡虛齋同稱高弟授翁源訓導著有四書周易管天詳通志

沈 野 字從先吳人爲人孤介寡合曹能始延置石倉園題其所居之室曰吳客軒野著有臥雪閉戶燃枝榕城諸集詳通志流寓傳

徐 英 字振烈侯官人居鄰常豐倉恒擔穀食力日夕則散髮讀尤喜擊劍曹學佺訪其家見其詩歌古文詞強之至石倉園具衣冠延之上座學佺殉節西峰里第英聞伏尸慟哭嚙舌噴血死

著有鳴劍集詳閩侯縣志蓉按楹聯叢話載英當甲甲之變躬携
鷄酒勉學佺盡節者蓋訛也

李怡泉 字 河南拔貢生萬曆中自豫隨某按察使入閩道

經洪江因金山塔之勝故卜居洪塘後棄官在金山塔樓講學從
遊者多所造就卒於是鄉見李氏家乘

余 甸 字田生初名祖訓字仲敏原籍福清康熙丙戌進士知

江津縣時總督年羹堯赫甚甸懲其官弁不少屈擢為濟南道以
性不畏禦為上官所忌鑄秩部民遮道呼冤事聞世宗召見知其
冤特授山東按察使嘗築萬卷樓在洪塘三光市中有葭湄草堂
塔江漁者亭著有星槎樓詩文集萬卷樓集入蜀記出蜀記詳續

閩江金山志 中册 鄉賢 十三 遠東書局印

志及水利故

姜宏泰 字世文錢塘人僑寓福州因迎母與兄就養遠祖唐姜
忠肅公輔謫葬南安墓田為豪右所侵泰糜金數千購歸修之又
構屋石倉園側以舍其鄉人之客閩者乾隆十三年連江饑平糶
煮糜活人無算友死為殯葬撫其孤閩士大夫欽其義行皆折節
與交卒於閩子孫遂家焉見閩侯縣志

金山寺原祀四十四先生姓名表

閩會水利故云道光十九年柏蒼同兄
柏蔚撰洪塘江鄉先生小傳嵌於借借

室並祀林適以
下計三十七人

- 林 適 潘 枋 謝 瑀 林 玘 林 玠 翁 晏
- 林 塘 蔡 清 熊 熙 林 文 纘 張 經 林 壘

林璧	周亮	鄭守道	趙璧	趙奮	翁興賢
翁正春	曹學佺	曾熙丙	翁登彥	翁希禹	陳鴻
沈野	徐英	陳楚白	林崇孚	王君弼	曹白
陳聖泰	王國璽	王九寧	王九徵	翁煌	余甸
謝琛	周榮	許穀	張懋爵	周書	葛大梁
張元銳	謝家瑞	道光廿四年溪漲漂流板僅存半壁光緒四年邑人楊觀察浚又設主增祀明周榮以下六人九年七月又於塔湖祀已故督糧道謝家瑞新舊合併計五十八人名宦謝家瑞詳逸事門			
今增補十四先生姓名表					
陳鼎	鄭惇典	鄭元韶	朱家相	林崇履	曾士迪
林涵春	李怡泉	胡賢賓	李蜀江	翁曾	姜宏泰
李朝祿	李紹陽				

閩江金山志 中册 鄉賢 十四 遠東書局印

金山左近諸鄉先生姓名表附

計三十人

林碩德	唐都統使	張睦	唐梁國公	林安宅	建炎進士
林安世	六橋始祖	林行可	疇川始祖	劉康夫	慶曆進士
陳襄	建炎徵仕	劉砥	乾道進士	林文結	理學名儒
林珏	樂善仗義	林文秩	吏郎侍郎	林如楚	永樂進士
林春澤	慶曆進士	林應亮	乾道登童	徐燭	湖廣提學
林廷琛	元都統制	徐樾	子科理學	林靖光	嘉靖進士
徐燭	欽賜蟠玉	張輪奐	永樂進士	張大本	嘉慶進士
徐芝田	正德進士	張康成	山西按察	許貞幹	嘉慶進士
林振新	嘉靖進士	林亨珍	戶部侍郎		光緒進士
	程番太守		嘉靖歲貢		
	戶部郎中		寧縣知縣		
	萬曆詩人		雍正文武		
	著有各集		並試舉人		
	嘉慶舉人		嘉慶舉人		
	有耕石集		品行方正		
	道光處士		同治歲貢		
	隱居旗山		著有遺稿		

林 葵

同治諸生 祀宛在堂

鄭永祥

光緒諸生 工詩善畫

林 玠

光緒處士 著聊寄集

張元奇

光緒進士 福建省長

張毓楨

光緒處士 工詩草書

林森琳

光緒舉人 清流教諭

徐高謀

光緒處士 撰有詩稿

林碩德

字邦定河南固始人唐季從王氏入閩拜十姓冠軍

中軍

稱十 八翁

智勇善戰中和三年詔拜都統使食邑八百戶年老閩王賜

第於古侯官之六橋因家焉子延臯延晁延暉孫仁紹仁翰並承

爵食邑子孫稱六橋林云

六橋延 臯之裔

詳五代史及林氏宗譜

林安宅

字居仁

碩德六 世孫

建炎戊申進士知紹興時築堤禦水開礮

灌田宣諭使朱異薦其清廉守正官至端明殿大學士兼太子太

保封開國伯食邑九百戶其誥詞云剛毅有執直諫多聞立朝有

閩江金山志

中册 中册

鄉賢 鄉賢

十五

遠東書局印

諍臣之風從爲循良之最詳宋史及閩書

張 睦

唐末固始人從王審知入閩領權貨務招來蠻裔商賈

歛不加暴國用日饒累封梁國公閩人思而祀之於東街金華境

墓在赤塘山詳通志及閩都記今厚美鳳池張氏卽其裔也

林安世

字居廣兄安宅拜樞密次兄安國字邦翰紹興壬戌進

士歷任承議郎居廣仗義喜施淳熙間獨捐資造溪源十四門石

橋又建超山禪寺及坐椅橋濡沁橋上方橋

並有石 刻可攷

詳林氏宗譜

林可行

字可叔侯官人

安宅 從姪

乾道壬辰進士博學敦行爲縉紳

重歷仕吏部侍郎以直言罷歸

初知尤溪等縣 立祠祀公者五

詳閩都記及通志

劉 彝

字執中懷安人從胡瑗學第進士令胸山惠民者無不

至邑人紀其事曰治範官終都水丞著明善居陽等集詳通志

陳襄 字述古侯官人慶曆進士神宗朝為侍御史論青苗法

不便請貶王安石呂惠卿以謝天下又薦司馬光韓維呂公著蘇

軾鄭俠等官終尚書都省學者稱古靈先生詳宋史旗麓古靈村公之故里也

劉砥 字履之侯官人世南子十歲通九經乾道間與弟礪字用

之俱中童子科同登朱子之門朱子授以先天太極圖傳詳通志

劉康夫 字公南侯官人少從周希孟學熙寧中進士述二十七

篇其文皆羽翼詩書根柢仁義後主泉州學卒詳通志

林珏 字伯玉侯官人安宅玄孫元世祖至元間拜平西都統制攻

陳弔眼之亂平之底定江西賜蟒玉詳皇元大統志子一枝字彥

閩江金山志

中册 鄉賢

十六 遠東書局印

遠以父蔭為司牧以平遼蠻功賜蟒玉詳林氏宗譜

林文秩 字亨禮林珏姪曾孫永樂乙未與弟同登進士入翰林拜監察

御史有直聲從征高煦還巡撫南畿風裁凜然擢山西按察使有

妖言獄連及三百餘家文秩力為辨釋活幾千人詳通志

林文結 字亨嘉與兄同登進士入翰林俱年少欽賜歸娶主試

雲南有腰金數千兩求薦者結卻之仕至湖廣提學僉憲詳通志

林春澤 字德敷別號旗峯侯官人正德甲戌進士判吉州政聲稱最

擢守程番均賦稅與諸生辨析經術歸築錦溪草堂百歲時有司

為樹人瑞坊著有禮記筌蹄及人瑞翁集壽百有四歲詳通志

林應亮 字熙載春澤子嘉靖壬辰進士知常德府治糜賑饑所活

甚衆仕至戶部右侍郎歸築頤老軒父子大壽邦人艷之詳通志

林如楚 字道茂 應亮子 少穎異廿二成進士督學東粵得士爲多

又撫粵西後罷歸復起仕至少司空年登耄耋卒予祭葬詳明史

林廷琛 字世獻 安宅裔 侯官人嘉靖乙未進士歷戶部郎中居官

清慎正直爲權貴所忌左遷南寧同知削籍歸公有志操坎珂仕

路時論惜之見閩都記馬森嘗語人曰余海內知交稱廉介者吾

閩則鄭世威林廷琛其最矣見通志公性孝友質任坦直不坐控

節居官自奉一如寒素又號平沙有平沙公詩藁見林氏宗譜

徐 楫 字子瞻閩縣人 按楫初爲侯官荆山人後遷入城鰲峯坊 嘉靖乙丑歲貢官南寧

縣卒年七十九入祀茂名名宦祠有徐令集見全閩明詩傳

閩江金山志 中册 鄉賢 十七 一遠東書局印

徐 燾 字惟和永寧令楫之子也萬曆戊子鄉薦家貧好客人

咸稱爲窮孟嘗云年四十餘歿有幔集亭見詞林人物考

徐 燾 字惟起一字興公博雅多聞善草隸書藏書七萬餘卷

曹學佺爲構宛羽樓皮之又構室曰綠玉齋平生遊交廣徧攬四

方豪俊著有鼓山志鼇峯集等書 計十餘種 見府志

張輪奐 字文庵侯官人雍正壬子科文武並試舉人爲旗陽先

聲縉紳性孝友好善纂脩家乘倡築堤壩嘗手創巨室同懷弟多

父命以半讓弟慨與之無吝色晚年小築園亭消受清福

林靖光 字梅甫侯官人 安宅裔 屢宰劇邑有惠政攝大興時有殺

人獄前令冤及某諸生公疑之禱於神夢示廚子二字微服出避

雨某邸門內有人出問之厨子也邀入酒肆詰焉曰殺人者漏言於我邸中乳母子也遂用爲證謁邸立索王庇之公愠曰王不畏法耶卒得凶人一鞠伏罪寃白後仕至直隸州有武夷吟草入祀名宦見府志赤塘山松柏係公所種今成鄉中鉅產林氏宗譜徐芝田 字耕石嘉慶舉人父遠字可元性孝友嘗館鄰鄉檀山里
里有閭牆者自悔曰勿令徐先生知也見林蔚溪集耕石赴試遇盜歸絕意功名著有耕石詩鈔子孫蕃衍有樸素風徐氏宗譜張康成 字秀巖侯官人嘉慶甲子舉人林少穆廖鈺夫先達同榜摯友也忠厚寡言笑種樹蒔花不慕仕進有環翠樓課弟子姪多成名舉家近百口無間言少穆等將爲奏旌未果張氏宗譜

閩江金山志

中冊

鄉賢

十八

遠東書局印

張大本 字培根侯官人好善喜施倡建祠獻祭田續脩譜且屢損資脩堰造路平糶賑災迄今知者猶追頌也子五長俊傑

字卓

季維藩

字紫屏

皆舉人

長道光庚子科季咸豐壬子科

四鍾喬

字松友同治壬戌 思科

孝廉著有詩文集

學尤博雅公伉儷躋耄歲五子並孝養

林泰啟祝弟康林森琳諸孝廉張元奇太史各撰有傳贊誌銘

歷十

世書香弗替今諸生翥元

字綺

公曾孫也詳張氏宗譜

林振新 字鐸臣侯官人

廷琛裔孫

祖吉人字穆齋富而好善年躋八十

父芝芳字玉田少讀書聰穎性孝友和藹遭父喪猶孺慕嘔血壽七十七鐸臣公重信義不輕然諾嘗築旗山黃竹岡別墅課諸子讀書其中籐杖布袍有古隱者風壽六十八有黃竹山房詩存曾兆鰲先達爲之傳子森琳丙子舉人弟桐封字井亭有蕨香山

房吟草桐封子首峻字珊溪亦以宿儒躋躋終詳林氏宗譜

林葵 字怡庵 梅光孫 同治諸生 僑居省中故志稱閩縣人 容顏和藹善飲工詩畫

一時名士多與之遊曾為總督沈葆楨掌書記沈蕙提督吳長慶

鎮朝鮮招致幕府著鴛鴦藤館詩集詳縣志入祀宛在堂

林亨珍 字本欣侯官人同治庚午歲貢元癸未與考八旗官教

習性和厚教授弟子多成名者居傍杏山築圃蒔花自娛有杏麓

遺稿字自持字梓沅光緒丁酉舉人生平謹愿未仕而卒

許貞幹 字豫生侯官人光緒壬辰進士父利貞以進士官豫州

貞幹生故字豫生歷官攝浙江臬司左遷後復原官袁世凱當國

授行營牋奏子居廉外務部簽事後豫生數月卒詳閩侯縣志

閩江金山志 中册 鄉賢 十九 遠東書局印

張元奇 字珍午一字君常侯官人光緒丙戌進士入翰林幼家

貧穎異好學師勗之遂以崛起嘗主福州書院出守長沙擢東三

省巡按使民國初任福建省長著有知稼軒詩集

林森琳 字碧溪侯官人振新子光緒丙子舉人貌偉美鬚髯性

剛正詩文絕俗屢上春官不售時論惜之任清流教諭歸行李蕭

然後簽發湘南候補知縣忤當道罷鼎革後每酒酣太息蓋所感

深矣嘗重修家乘又督脩淋汶馬澗諸壩鄉人爭曲直者多取決

焉壽七十五有天貺翁詩文稿子三仲子冕 字萊 諸生承弟暹嗣

鄭永祥 字菊三閩縣人寓沙堤鄉光緒諸生性廉謹緼袍黯然

能畫工詩詩句多幽清之韻嘗與林碧溪趙中孚林禹農趙鶴年

林珊溪趙一琴張綺翟等給吟社菊三雖以醫自給卒以貧終
張毓楨 字亦顛侯官人鍾喬孝廉家孫也鯁介絕俗識者稱之
然文章憎達屢困棘闈與林蔚溪張濠卿友善工草書有磅礴之
氣詩亦超雋可誦著有亦顛詩集惜未四十而卒子碧巖業醫
徐高謀 字子籌侯官人性修潔好善兩脩宗譜不間寒暑又募
工築閘脩堰以禦水患嘗同其從叔壽臣購圓隴山隙地築小籬
種花植果吟誦其間未幾以病卒於家里人稱善士焉有詩藁
林 玠 字蔚溪侯官人森琳弟性恬靜嗜學雖屢空晏如也生
平講學多所造就好山水遊輒有題記文類蘇穎濱吳南屏詩宗
王孟少嘗同兄森琳讀書旗山黃竹岡別墅中時有林泉之思焉

閩江金山志

中冊

鄉賢

二十一

遠東書局印

壽五十有三歲著有聊寄詩文集十六本葬赤塘山門人私諡靖
逸先生子其蓉一名筠字竹均有父風

(附追諡蔚溪林夫子啟) 蓋聞山林遁跡不慕浮榮者舊著書每揚潛德繫維

夫子生好琴書溯厥先芬世敦詩禮無如文章憎達杜默傷神鉛槧食貧鄭虔垂老翁等頻年問字講席緣深詎知逝世興思少微星隕然而杏花春雨風景不殊黃竹故山唵魂宛在嗟嗟稿無封禪曾傳處士之名經授春秋可定先生之諡遙企昔賢藉援斯例茲值修治故壟追諡靖逸先生憑眺松楸深慙樛櫟前路不難萬里有虧當日謨言遺文自有千秋聊盡門人私誼云爾受業張翥元張碧巖徐敏徐巖銘蕭鳳光蕭宗蘭林章棟林震全拜啟民國辛未小春之月後學潘子蘭拜書 (又附林其蓉祭先考追諡文) 哀哀皇考庭訓有年生平恬靜學勤而專文易屢躓清貧一甌偶有著述不事雕鏤秋籬疏菊閒澹爲妍每懷退隱黃竹山巔白雲滿澗可矢弗諉胡爲弗慙不孝遽捐哀哀皇考永隔終天歷觀往哲身世迍遭文章身後豈在生前不孝無良未能表宣有負督責淚灑松阡門人私諡例有昔賢承諡靖逸用慰九泉嗚呼 尙饗

增補金山左近諸鄉鄉先生姓名表

計二十二人

葉子儀

宋人生平文章博洽

許庠

崇寧間人 都巡撫使

許寶

天順經魁 黃州同知

林嘉謨

嘉靖舉人 武岡知州

林德謨

康熙間人 生平謹厚

趙其遠

乾隆間人 剗臂療親

楊大成

乾隆舉人 兼通經史

趙柏存

嘉慶舉人 鯁介博學

許亨超

嘉慶進士 騰越知州

林端我

嘉慶諸生 學工詩賦

林朝陽

嘉慶進士 伊陽知縣

陳及鋒

嘉慶舉人 恬澹廉約

林作霖

嘉慶進士 著有詩稿

蕭崇品

嘉慶間人 生平端重

林長康

嘉慶間人 素性和厚

吳熙年

道光進士 學問淹博

林軒

道光諸生 素性正直

許利賓

道光進士 豫州知府

葉亨會

道光初人 壽九十餘

林泰啓

咸豐舉人 通州知府

林紹祖

同治副舉 工詩善書

葉景臻

光緒舉人 謹厚通經

葉子儀

宋侯官人 文章博洽

葉子儀

宋侯官人 文章博洽

葉子儀

宋侯官人 文章博洽

公深於經學所著經解見四庫書目時稱絳毫先生詳葉氏宗譜

中册 鄉賢

二十一 遠東書局印

許庠

字養之侯官人器宇軒昂識者早知為偉器崇寧間有

寇亂許文定子份薦之平寇有功歷官至都巡撫使故時人名其

里為都巡卒葬富竹之濂湖山詳許氏宗譜

許寶

字汝善侯官人性穎量深弱冠入泮天順壬午鄉薦經

魁仕黃州同知居官廉明有聲卒葬文頭山

十四都 白龍洲

許氏宗譜

林嘉謨

字廷卿侯官人嘉靖己酉舉人任山東莘野縣肅清吏

治廉介自持民德之陞武岡州知州以勞卒於官其裔孫開先字

占庵者道光壬辰舉人任福寧府學亦廉介有聲榕嶺林氏宗譜

林德謨

字典卿侯官康熙間人原籍福清

其曾祖諱大美始 遷侯官之高何鄉

生平謹

厚讀書養志綽有儒風子孫多克世其家者高何林氏宗譜

趙平

字其遠侯官人性至孝值王母疾篤父憂形於色公毅

某崇於狐狂甚聞其至狐即遁去曰端士也當避之蕭氏宗譜

林長康 字爲平侯官人性和厚友于家六十口無間言載授

徒善誘弗倦文章憎達無愠色嘗創修族譜多所撰述族戚何榜

眼冠英器重之手書贈聯云澹泊見天性 真淳存古風浦口林氏宗譜生嘉慶己巳卒光緒甲申葬長安山

吳熙年 字金品號緝堂侯官人少從孝廉趙柏存學性謹愨通

經史弱冠入泮道光丙午鄉薦咸豐癸丑成進士欽點貴州卽用

縣知縣以髮捻亂未之官年四十九卒士林惜之子四珽 璣字穀兄宣年字

金臺性鯁介學尤淹博受業多成名者乃以一襟終吳氏宗譜

林 軒 字仲蔚號章茂侯官人少孤母祖母以雙節稱祖鴻業早卒配葉氏

守節事姑撫子嘉慶辛酉恩准豎坊入祠父文鋒亦早逝母張氏亦守節撫孤克成家業道光辛卯學院陳上聞給獎松柏其心匾額云公性正直道光間諸

生丁亥歲試冠軍補廩子紹儒號華奎亦諸生性尤樸厚兄章達

閩江金山志 中册 鄉賢 二十三 遠東書局印

弟章亮並讀書敦行里人稱之詳高何林氏宗譜

許利賓 字堯用號鴻于道光己亥舉人丁未進士仕河南光州

光山縣擢豫州生平工書介然忤俗子貞幹亦進士許氏宗譜

葉亨會 侯官人少從陳修園學工醫壽九十餘卒其子孫里人多習其業以成名者

林泰啓 字維賢侯官人咸豐己未舉人任通州直隸州有惠政

以老乞歸民遮道挽留至今州人以召父杜母日之榕林氏宗譜

林紹祖 字瑞人作霖孫同治乙丑副舉人丰神清癯絕俗工詩

及篆刻好研醫學善草書筆力酣暢迥勁著有積石山房詩文稿

十餘卷姪堯藩禹臯並篤學謙謹禹臯以醫名榕岸林氏宗譜

葉景臻 字章熙侯官人光緒舉人生平謹厚深於經學嘗久寓

于山觀音閣授徒講學遠方多從遊者龍頭葉氏宗譜